



**L**Vithfridus filius fuit Luithardi comitis Habspurgensis ex Erentrude comitissa Franciæ, Is multis uirtutibus præditus, post patris mortem octauus Habspurgensis & Altbergensis comes factus est. frater uerò eius Otto Argentinensis præsul electus fuit. Erat hic Luithfridus gerendis bellis foelicissimus: unde sub Arnolpho Cæsare ordines duxit, & magnam sibi authoritatem comparauit. Vt autem bello fortis, ita domi iustitiæ & religionis insignis cultor extitit. Itaque eo in loco, ubi maiores eius ante trecentos annos S. Trutperto martyri sacellum erexerant, atq; suam sepulturam hæcenus habuerant, ipse uxoris Bibradæ consen-

su, anno Christi circiter nongentesimum decimum, nobilem Abbatiam constituit, atq; eandem multis pagis & prædijs exornauit. Habebat is filios ex Bibrada tres. ex his Humifridum Landgrauium Alsatia, & Nordgouia comitem, Luithfridum Sundgouie comitem, Hugonem comitem in Egensheim, Vuilerthal, & Leberthal constituit. Cum autem ipse tandem anno nongentesimo quinquagesimo quarto contra Sueuos senex fortiter pugnaret, magno omnium luctu occubuit, nulla alia prole ex secunda uxore Luitharde relicta. Laz. lib. 1.